

मद्देनजर लाई गई। इस दौरान उ'नें ईद ते नराते सरबंधी त्पारियें दा बी जायजा लैता। मुखमंत्री होरें डिप्टी कमीशनरें गी हिदायत दिती जे ओह जमाखोरी ते कालाबाजारी करने आहलें पर नेइमी तक्क रक्खन। उ'नें सूचना मैहकमे गी आखेआ जे ओह आम लोकें गी भंडार ते सप्लाई बारे समें- सिर जानकार बनांदे रहौन तां'जे लोकें च डर-त्राह नेंई रवै ते अफवाह बी नेंई फैली सकै। इस्सै दौरान मंत्री सतीश शर्मा होरें आखेया जे सरकार सप्लाई पर नेइमी तक्क रखा रदी ऐ ते नियमें दी खिलाफवर्जी करने आहलें पर सख्त कारवाई कीती जाग। उ'नें भरोसा दोआया जे जरूरी चीजेंबस्तें, पेट्रोल- डीजल ते रसोई गैस दी लोइचदी मात्रा च प्रदेश च उपलब्धता ऐ।

<><><><><><>

LG Sahitya Winners

उपराज्यपाल मनोज सिन्हा होरें मन्ने-परमन्ने दे लखारी खजूर सिंह ठाकुर- अली शायदा ते प्रितपाल सिंह बेताब होरें गी साहित्य अकादमी पुरस्कार -2025 कन्नै सम्मानित कीते जाने पर मुबारकबाद दिती ऐ। एह पुरस्कार डोगरी- कश्मीरी ते उर्दू साहित्य च उन्दे शानदार योगदान गी मान्यता दिंदे होई दिता गेआ ऐ। अपने सनेह च उपराज्यपाल होरें मेद प्रगट कीती जे उं'दी उपलब्धियां उब्भरदे लखारियें गी इलाकाई भाषाएं ते साहित्य गी बढ़ावा देने ते संरक्षत करने लेई प्रेरित करगंन। डोगरी साहित्य दा साहित्य अकादमी पुरस्कार हासल करने आहले खजूर सिंह ठाकुर- जिनें'गी उन्दी कृति- “ठाकुर सत्सईयें” लेई सम्मानित कीता गेआ ऐ- होरें आकाशवानी समाचार कन्नै गल्लबात करदे होई आखेआ.

<><><><><><>

Rana Ranbir Canal

जल शक्ति मंत्री जावेद अहमद राणा हों करसानें लेई समें-सिर सिंचाई यकीनी बनाने आस्तै अखनूर च मुख्ख रणबीर नैहर च पानी छोड़ने दा उदघाटन कीता। इस मौके पर बोलदे होई मंत्री हों आखेआ जे एह नैहर राई-बाई लेई इक जीवन रेखा दा कम्म करदी ऐ- जेहदे कन्नै अखनूर थमां आर.एस.पुरा तगर दे बड्डे इलाकें च सिंचाई उपलब्ध होंदी ऐ। उ'नें करसानें गी भरोसा दोआया जे सिंचाई दी रुता दौरान लोड़चदा पानी उपलब्ध रौहग। राणा हों सिंचाई ते हाड़ नियंत्रण मैहकमे दी बी सराहना कीती। उ'नें गलाया जे मैहकमे नै नैहर नैटवर्क च पानी दे बहाव गी सुचारु तरीके कन्नै यकीनी बनाने लेई समें शा पैहले गाद कड्डने दे कम्मै गी पूरा करी लैता ऐ।



PM Rahat Scheme

जम्मू-कश्मीर सरकार नै “पी.एम- राहत” स्कीम दी शुरुआत कीती ऐ तां जे सिड़क हादसे च जख्मी होने आहलें लोकें गी फौरी मैडिकल सहूलत हासिल होई सकै। इस स्कीम तैहत शिकार लोकें गी 140 तयशुदा अस्पतालें च शुरुआती किश घंटें च इक लक्ख 50 जहार रपे तगर दा बिजन नकदी दे इलाज होग। एदे च हादसे दे मगरा आहले 7 दिन बी गिने जागंन। सेहत-पुलस ते जिला प्रशासन मिलिये बेहतर ंगै सिर अमलावरी लेई कम्म करडन। लोकें गी अपील कीती गेई ऐ जे ओह सिड़क हादसें दी रिपोर्ट फौरी करन।

Samaritans जेड़े Good हादसे च घालs लोकें दी मदद करदे न गी 25 ज्हार रपे ते प्रमाण-पत्र दिता जाग।

<><><><><><>

Shab-e-Qadr Greetings

उपराज्यपाल मनोज सिन्हा- मुखमंत्रि उमर अब्दुल्ला- उपमुखमंत्रि ते होरनें दुए काबिना मंत्रियें जम्मू-कश्मीर दे लोकें गी “शब-ए-कदर” दे पवित्र मौके पर मुबारकबाद दिती ऐ। अपने सनेह च इनें आखेआ जे इस पवित्र रात दी मुस्लिम समुदाय लेई बड़ी पवित्र ते धार्मिक मान्यता ऐ। इनें सब्भनें लोकें दी शांति- खुशहारी ते भलाई-बेहतरी दी कामना कीती।

<><><><><><>

CS Sports Review

मुख सचिव अटल डुल्लु होरें जंदे रोज युवा सेवाएं ते खेड्डें सरबंधी मैहकमें ते जम्मू-कश्मीर खेड्ड काउंसल दे कम्मकाज दा जायजा लैने लेई इक व्यापक समीक्षा बैठक दी अध्यक्षता कीती। बैठका च जम्मू-कश्मीर दे सब्भनें जिलें च खेड्डें ते रचनात्मक गतिविधियें च नौजवानें दी भागीदारी बधाने पर ध्यान केन्द्रित कीता गेआ। बैठक दौरान जानकारी दिती गई जे इस बरे 35 लकख शा मते नौजवानें बकख-बकख खेड्डें च हिस्सा लैता ऐ। अधिकारियें औंदे कार्यक्रम जिंआं “Leagues of Classics 2.0” ते राश्ट्रीय स्तर दे आरोहण -2026 युवा उत्सव पर बी चर्चा कीती। मुख सचिव होरें जम्मू-कश्मीर च नौजवानें च सेहतमंद अनुशासित ते उद्देश्यपूर्ण जुड़ाव गी बढ़ावा देने लेई लगातार जतनें पर जोर पाया। उनें आखेआ जे खेड्डें दे कन्नो-कन्नी

कला-संगीत ते सांस्कृतिक गतिविधियें च सक्रिय भागीदारी कन्नै नौजवानें गी अपनी ऊर्जा गी रचनात्मक दिशा च लाने च मदद मिलदी ऐ।

<><><><><><>

Census Training Prog.

औंदी मरदमशुमारी लेई अधिकारियें गी तयार करने गी ते जंदे रोज जम्मू च त्रंऊ दिनें दा जिला सतह दा मरदमशुमारी सिखलाई कार्यक्रम शुरु होआ। मरदमशुमारी आहली कारवाइयें सरबंधी निदेशालय दे सैहयोग कन्नै जिला जम्मू प्रशासन आसेआ आयोजित इस सिखलाई कार्यक्रम च मरदमशुमारी सरबंधी प्रक्रियाएं- कन्नूनी प्रावधानें- संचालन सरबंधी दिशा-निर्देशें- CMMS पोर्टल- 17 थमां 31 मई तगर आप-गिनती ते पैहली थमां 30 जून तगर घरें दी सूची बनाने दा कम्म शामिल होग। जिला अधिकारी- सब डिविजनल मैजिस्ट्रेट ते तहसीलदार इस कार्यक्रम च हिस्सा लै'रदे न- तां'जे स्टीक आंकड़े किट्ठा करने-तालमेल ते जिम्मेदारियें बारे मार्ग-दर्शन हासल कीता जाई सकै। इस मौके पर ADC विधु शेखर होरें आखेआ जे जम्मू जिले च सुचारु ते कामयाब मरदमशुमारी करोआने लेई उचित योजना ते सिखलाई महत्वपूर्ण ऐ।

<><><><><><>

SMVDU Navratras

चैत्र नराते शुरु गै होने आहले न- नरातें दे मददेनजर श्री माता वैष्णो देवी श्राईन बोर्ड नै श्रद्धालुएं दी आमद दे चलदे तयारियां तेज करी दिती दियां न। तां'जे श्रद्धालुएं दी यात्रा सुचारु ते रमानदारी आहली होई सकै। श्री माता वैष्णो देवी श्राईन बोर्ड दे अध्यक्ष हुंदी हिदायतें मुजब

मुख्य कारजकारी अधिकारी होंरें इक बैठक लाई ते सुरक्षा- आपदा प्रबंधन ते श्रद्धालुएं दे रश गी दिक्खदे होई सरबंधी त्थारियें दा जायजा लैता। बोर्ड नै श्रद्धालुएं दी सुविधा लेई नेकां इंतजाम कीते दे'न। नरातें 19 मार्च थवां शुरु होआ'रदे न। इस बारे होर मती जानकारी साहडे संवाददाता थमां.

<><><><><><>

Comm Floriculture –Udhampur

राई-बाई च बक्ख-बक्ख फसलें ते होर दुए विकल्पें गी अपनाने ते करसानें गी इस पेठा प्रेरित करने लेई फुल्लें दी काश्त-पार्क ते बगीजें सरबंधी मैहकमें आसेआ- जिला स्तह दे इक कार्यक्रम CSS MIDH 2025-26 दा सरिस्ता उधमपुर च कीता गया। इस दौरान करसानें गी फुल्लें सरबंधी रड़ गी कारोबारी स्हाबै अपनाने लेई जागरुक कीता गया। एदे च करीबन 250 करसानें हिस्सा लैता। कार्यक्रम दा मकसद करसानें च आधुनिक तकनीकें बारे जागरुकता पैदा करना। बजारें सरबंधी मौकें ते केन्द्र प्रायोजित स्कीमें बारे जानकार बनाना हा। कार्यक्रम च उधमपुर दे डिप्टी कमीशनर मिंगा शेरपा होर बतौर मुख्ख परौहने मौजूद हे। इस मौके पर बोलदे होई उ'नें आखेया.

<><><><><><>